

## Tone alate kenj Pita be nmarase ne

<sup>1</sup> Tone kei lee manj Simon Pita non me yee Yesu Kristo tobaale na o kpilale e ne gyan. Mee nmarase ke mee yele e mee ban pou e ne lee Yesu Kristo di nideli ngba mena kenj daa mo ne lee e di ne. Mena keledi kpaakpaa kei lee Wurubuar e non o gbene ten e ne, na da nyeleere Yesu Kristo gyan.

<sup>2</sup> Wurubuar e waa yela e ka gyen non Wurubuar e na de Gbenjyoo Yesu nideli, na ke yela waa mo o bere boele non nideli na waa fa non wosefere kenj ka dokoso be kyaa ya ne.

### *Dinoo kenj na wolo nyi Wurubuar e baake na daa*

<sup>3</sup> Lee de Wurubuar e kagyen doo Yesu Kristo te tee o donj kenj ka dokoso be kyaa ya ne doo fa daa kpene kamase kenj ne hia daa, na dee tale yee o kegyaebii teele kei doo. Lee non Wurubuar e gbagba dinoo kpaakpaa na o woe doo te o baake daa nyi de kaa bese o balan.

<sup>4</sup> Lee mena dinoo kei doo te o faa daa o nombia kpaakpaa nan o be yako see nyi waa fa daa ne. O moo o nombia kenja fa daa na ke yela e ke nyin lese e wose lee aboo kumee nan mee gbagba ne gyae teele kei doo te ne yeli walan ne wolee ne man, na e ke nyin Wurubuar e dinoo kenj.

<sup>5</sup> Lee mena nombia kenja doo e yee kagyen na e ka mo deeli keyee kpu na e Yesu Kristo keledi

kenj. Kenanj wole na ε mo nombia kagyenj kpu na ε deeli keyee kenj.

<sup>6</sup> Nombia kagyenj wole na, ε mo wose kekyanj kpu, te wose kekyanj wole na ε yee kakyenj senj kenkenj. Kakyenj wole na ε mo Wurubuare osom kpaakpaate mo kpu.

<sup>7</sup> Wurubuare osom kpaakpaate wole na ε mo donja kegyae kpu, te donja kegyae wole na ε mo balan kegyae kpu.

<sup>8</sup> Nawolo nyi akpaa ε kyanj nombia kenja man nideli na, gyae ke yela ε ka gyenj de Gbenjgyoo Yesu Kristo na ke yela ε ke yee balan banj ε keleedi dana tonoo.

<sup>9</sup> Mona walanj non o be dana mena dinoo kpaakpaa kei ya na, kenanj na walanj nonanj sia te wolee kenj nyi o bee naa gyu lem ya. O tanj ke wolee nyi be ta lese e lee o nombiakumee benee njan man.

<sup>10</sup> Me tebia mena doo ε yee kakyenj na ε ke kyaa dinoo kpaakpaate man, na ε dinoo kenanj ka wola nyi Wurubuare baake na non te o lese non. Akpaa ε yee mena na ε be gyae ε ka lee wole ε keleedi man ya.

<sup>11</sup> Kenja keyee ne gyae la ke yela Wurubuare ke fa non gbee na ε ke nyinj gbee gyoo de Gbenjgyoo Yesu Kristo non o yee da nyeelere e ne gyoorobiiri kenj ke kyaa kekpaakekpa na man.

<sup>12</sup> Ma gyenj nyi ε wulaa ε gyenj mena nombia kenja, te ε wulaa ε senj anokoare nombia njan moo yako non ne man kenkenj. Mona mee gyae nyi maa kyaa toose non nombia kenja debanj kamase.

<sup>13</sup> Ma gyeŋ nyi de baŋ keŋ me sɛɛ me kyaa tɛɛle kei dɔɔ nɛ, kaboena nyi maa kyaa tɔɔse ŋon nombia keŋa na ɛ be nyiŋ wolee ŋa ya.

<sup>14</sup> Nawolo nyi de Gbenɣyoo Yesu Kristo ta lese wola maŋ nyi ma woya akan tɛɛle kei dɔɔ ta tekaa bo ya.

<sup>15</sup> Lee mena dɔɔ te mɛɛ yeɛ kakyen yako ŋon nombia keŋa, na akpaa ma yem koran na ɛ ke tale tɔɔse ŋa de baŋ kamase.

<sup>16</sup> De keɛ kolosi de Gbenɣyoo Yesu Kristo don dinaa na ɔ ka bese koŋ keŋ nombia nɛ, te yeɛ nyi ŋola nombia ŋan balan na mo sia kekara gyɔ nɛ yaa dee kolosi ya, mɔna daa gbagba naa ɔ gyoorobiiri keŋ na de sia fonɛɛ.

<sup>17</sup> De baŋ keŋ me kya Wurubuare ba lese Yesu Kristo yele te ɔ ba lese ɔ gyoorobiiri wola nɛ, na de kyaa botɔɔ. De nyii nɔɔwoya ŋaale lee Wurubuare Kpatakperɛ ŋon gyoorobiiri keŋ man nyiaa, “Kei yena me bu ŋon mɛɛ gyae e lee me konɔɔ man, te ɔ na gyoo me sia mɔ nideli”

<sup>18</sup> Daa gbagba nyii nɔɔwoya keŋa ŋan ba lee adido koŋ de baŋ keŋ daa na de Gbenɣyoo Yesu Kristo kyaa Wurubuare bula keŋ dɔɔ nɛ.

<sup>19</sup> Kei yele la da gyeŋawɔ nideli nyi Wurubuare akpenkpenɣyɔɔra nombia ŋan boɔ yako see nɛ yeɛ ampan. Mena dɔɔ ɛ see deŋele na ɛ ke nyii ŋa nideli. Nombia ŋenan yeɛ ŋgba kanea keŋ boɔ kyanee see ditɪŋtɛɛ man nɛ. Keɛ ŋmanee kelii de baŋ keŋ nebo kyolobii ŋon waa lee. Kei na wola ŋon baa nyi yaa kyan Wurubuare nombia ŋan man nideli kelii de baŋ keŋ Yesu Kristo waa kaa yela ɛ konɔɔse ke gyuusuu na ɛ ke nyii ɔ nombia ŋan man nideli.

<sup>20</sup> Lee keŋa pou wole na nombii tuturu keŋ mεε gyae ε ka gyeŋ nideli yena nyiaa, Wurubuaε akpenkpengyɔɔra baŋ man ηolo te yako nombii daale keŋ ɔɔ ηmarase do Wurubuaε nombia aŋmaraseŋ see ηan man ηon gbagba ɔ baam ɔɔ ya.

<sup>21</sup> Nawolo nyi Wurubuaε nombia ηan be tεε wa akpenkpengyɔɔra ɔɔ te ɔɔ yako ne, ηe man dokolon be kyaa keŋ ka lee deniwalan gbagba kegyaebii man ya. Mɔna Wurubuaε felin ηon wola na wɔ nombia ηan ba lee ηon Wurubuaε gyan te be yakowɔ.

## 2

### *Akerεε nombia wolala*

<sup>1</sup> Mena keŋ gyanɔba baale ba beo mo ba wose nyi be yeε Wurubuaε akpenkpengyɔɔrawɔ Iseraetena man ne, mena mɔ te akεεε wolala baa kyaa ε man. Baa mo nyansa wola nombia ηan te yeε anokoare ya. Baa ta wola balan nombia ηan gyae ke yela baa yo ne. Baa beε nyi ɔɔ gyeŋ de Gbenɔyoo Yesu Kristo ηon ɔ ba yem lee daa gba ne ya. Mena ɔɔ be gyae ke kyare ya, kayeyεε dinaa daale gyae ke kɔŋ be ɔɔ.

<sup>2</sup> Balan burum baa sila wɔ yeε ba desεŋ nombia ηan beε yeε ne. Te be nombia ηan beε yeε ne ɔɔ, balan baa kolosi nombiakumεε tia Kristo anokoare gbεeneŋ ηan.

<sup>3</sup> Lee sibii ɔɔ mena akεεε wolala kewɔ baa mo akεεε nombia beo ηon, na baa mo nyansa gbεε mo ηon gyae kɔba. Mena ɔɔ leenan

benenj benenj kenj Wurubuarɛ yakowɔ see nyi waa wɔŋ ba denjele, te waa tanj wɔlɛɛ wɔ bo.

<sup>4</sup> Ɛ tɔɔse nyi debanj kenj Wurubuarɛ kpilala banj be kyaa adido be yɛɛ nombiakumɛɛ nɛ, Wurubuarɛ te tina wɔ yela ya. Mɔna ɔ moo wɔ do kayeyɛɛ kekpaakekpaa man. Ɔ doo wɔ agbaraagbaraase man te ɔ moo wɔ ka do ditɪŋtɛɛ man, na baa doo botɔɔ kelii ɔ nombia kedi wee kenj.

<sup>5</sup> Wurubuarɛ te tina benenjtɛna banj be te nyii ɔ dei ya nɛ yela ya. Nowa yako wɔ mena kenj baa yɛɛ na be gbɛɛnenj ka teneɛ Wurubuarɛ siaman, mɔna ba te kyɛɛkee ba agyuenj ya. Mena dɔɔ Wurubuarɛ yela lonj waalewɔ wɔlɛɛ tɛɛle kenj na ke balan banj pou be te nyii ɔ dei ya nɛ. Mɔna balan banj Wurubuarɛ be lɛɛ ba nyee yena Nowa ŋon ɔ gbɛɛnenj tenɛɛ Wurubuarɛ siaman nɛ na ɔ dekpɔŋalanmantena balan nyetooro.

<sup>6</sup> Ɛ tɔɔse nyi Wurubuarɛ buu Sodom na Gomoratena fɔɔ. Ɔ yela boalan kpaa be popou bese tɔŋ. Ɔ yɛɛ mena na ka wola nyi nne ne gyae la ke kɔŋ balan banj bɔɔ ne nyii ɔ dei ya nɛ dɔɔ.

<sup>7</sup> Mɔna Wurubuarɛ lese Lɔɔte lee mena denjele kewɔŋ kei man. Nawolo nyi Lɔɔte yɛɛ walan ŋon ɔ gbɛɛnenj tenɛɛ ŋon Wurubuarɛ siaman, mena dɔɔ balan banj nombia nkaranjkaranj ŋan bɛɛ yɛɛ nɛ takaa e nideli.

<sup>8</sup> Lɔɔte kekyaa balan kumɛɛ kewɔ man na ɔ kena be nombia nkaranjkaranj ŋan bɛɛ yɛɛ, na be nɔɔwoya kumɛɛ ŋan bee kolosi nɛ takaa e nideli. Nawolo nyi ɔ yɛɛ walan ŋon ɔ gbɛɛnenj

tenɛɛ Wurubuaɛ siaman.

<sup>9</sup> Nombia kɛɲa pou nawolo baa nyi, Wurubuaɛ gyeɲ mena kɛɲ waa lese ɔ balan lee be kaale man. Te ɔ gyeɲ mena kɛɲ waa yɛɛ, na waa wɔɲ balan kumɛɛ denjele kelii wee kɛɲ waa di walaɲ kamase nombia nɛ.

<sup>10</sup> Kɛɲa pou wɔle na, balan baɲ bɛɛ yɛɛ nombia nkaraɲkaraɲ ɲan baɲ gbagba ne gyae te ɲɛɛ wɔlɛɛ wɔ te bɔɔ na mo Wurubuaɛ yɛɛ kolo ya nɛ, Wurubuaɛ waa wɔɲ ba denjele nideli. Mena akɛɛɛ wolala kɛwɔ dana konɔɔyɔɲ te bɛɛ wola ba wose, te bɛɛ tale gyɔ konɔɔ kolosi nombiakumɛɛ tia baɲ be kyaa adido te be dana gyoorobiiri nɛ.

<sup>11</sup> Mɔna Wurubuaɛ kpilala baɲ gba koran be dana doɲ kela akɛɛɛ wolala kɛwɔ nɛ, ta tee balan baɲ be dana gyoorobiiri adido nɛ yaa baa mo nombiakumɛɛ gyakaa be dɔɔ de Gbenɲgyoo Wurubuaɛ siaman ya.

<sup>12</sup> Mɔna mena balan kɛwɔ baɲ be dana konɔɔyɔɲ nɛ dɔɔ, nombia ɲan bɔɔ ne nyii ɲɛ man ya na mmusuo nombiikum kamase kɛɲ be gyae na te bee kolosi lee ka wose man. Be dinɔɔ yɛɛ ɲgba ɲale man wonembia baɲ balan na koe nɛ. Kpene kamase kɛɲ de kɔɲ ba nyee man na, kɛɲ te bɛɛ yɛɛ. Mena dɔɔ baa yeɲ leki ɲgba ɲale man wonembia nɛ.

<sup>13</sup> Wurubuaɛ waa naase wɔ diyem nideli ɲgba mena kɛɲ baɲ mɔ be naase baale diyem nɛ. Baɲ gyaɲ na nombia nkaraɲkaraɲ keyɛɛ balan man yɛna gyon kedi. Mena dɔɔ ɛ gyaɲɛɛ ɛ ne di ɛ nɔɔ te be kaa kyaa bom na ɲan na, be dana wɔ desɛɲ gba nyi baa yɛɛ be nombia

nkarankaranɔ ɲan ε man ya. Kei ne yeli bɛɛ wɔlɛɛ ε yele do ɲon desɛɲ.

<sup>14</sup> Bɔɔ ne gyɔ sibii naa alo lanɔ ya, te nombiakumɛɛ keyɛɛ yɛna be wui. Bɛɛ beo balanɔ banɔ bɔɔ dana donɔ ba keɛɛdi man ya nɛ, te bee yeli balanɔ benanɔ ne yɛɛ dukum. Be dana sibii nideli. Mena abɔɔ kumɛɛ keɲa pou dɔɔ Wurubuareɛ te falaa wɔ.

<sup>15</sup> Be te tina Kristo gbɛɛ kpaakpaa keɲ yela gyu ka mo banɔ gbagba be gbɛɛ keɲ be yeli bɔɔ yoo nɛ. Be silana Beeyɔ bu Baalam nawɔɔ. Na Baalam kei yɛɛ Wurubuareɛ dekpɛɲkpɛɲgyɔɔre e, te ɔ be famenɛ na nombiakumɛɛ keyɛɛ lee kɔba keɲ waa nyiɲ lee ke man dɔɔ ya.

<sup>16</sup> Mena dɔɔ Wurubuareɛ yela ɲon Baalam afurum kolosiwɔ na e lee ɔ nombiakumɛɛ ɲan ɔ ne yɛɛ nɛ dɔɔ. Wonembu bɛɛ tale kolosi ya mɔna afurum ɲon kolosiwɔ na e ɲgba deniwalanɔ nɛ, te ɔ yela ɔ tinaa diteɲ nombia ɲan nafaɔ ɔ ne gyae waa yɛɛ nɛ yela.

<sup>17</sup> Mena akɛɛɛ wolala kɛwɔ be dana tɔnɔɔ ya ɲgba atiribunse ɲan ɲɔɔ dana lonɔ ya nɛ, te ba bese yaa be yɛɛ ɲgba ɲɔma ɲan felinɔ ne gyɔ ɲa lanɔ nɛ. Botɔɔ keɲ Wurubuareɛ be desina see wɔ nyi ke dɛɛ yɛɛ ba dekyae kekpaakekpaa yɛna ditinɛɛ tuum keɲ man.

<sup>18</sup> Be yɛɛ nɔɔman bo mɔna nombii kpaakpaa kamase be doo ba kekolosi man ya. Bɛɛ yɛɛ kewɔlɛɛ nombia te bɛɛ wola balanɔ nyi baa tale yɛɛ kpene kamase keɲ banɔ gbagba ne gyae nyi baa yɛɛ. Mena nombia keɲa te bɛɛ mo beo balanɔ banɔ bɔɔ lɛɛdi kewalanɔ te bɔɔ lese ba wose lee mena dinɔɔ kumɛɛ ɲenanɔ man nɛ, na

be ta bese ke yala ñe man bela.

<sup>19</sup> Mena balan kumεε benañ na beo balan kεwɔ nyi baa yela na baa nyiñ ba wose, na baa tale yεε kpene kamase keñ bañ gbagba ne gyae keñ Wurubuarε mmaraa kamase be bake wɔ ya. Mɔna bañ gbagba korañ sεε be yεε gbenjawɔ fa nombia nkarañkarañ keyεε. Nawolo nyi deniwalañ kamase yεε gbenji e fa kpene kamase keñ ne di ɔ dɔɔ nε.

<sup>20</sup> Nyi walañ da gyen de Gbenjyoo Yesu Kristo ñon ɔ yεε da nyeelεere e nε te ɔ lese ɔ wose lee tεele kei dɔɔ abɔɔ nkarañkarañ ñan ñεε wɔlεε walañ nε keyεε man, te ɔ bese gyu ɔ ne yεε ña bela na ñe gyae ke di don ɔ dɔɔ. Dekɔñ mena na ɔ dinɔɔ gyae ka bese wɔlεε kela mena keñ nafa ɔ doo pete ɔ be kaa lee Kristo di nε.

<sup>21</sup> Nyi nafa ɔtenate den ta gyen gbεε keñ waa mo na ɔ nombia ka tenεε Wurubuarε siaman ya na, nafa dei fa e kela keñ ɔ ba gyen ke te ɔ ba besena ɔ wole tee Wurubuarε nombia ñan bɔɔ wola e nε.

<sup>22</sup> Ba te gyɔ aduya ñaale see nyiaa, “Babaa ne tɔe na ɔ ta bese ka mo ɔ tɔla di” te “N sɔ kekuirii na, ɔ na bese bo ka gyoo depate man.” Mena balan kεwɔ dinɔɔ nawolo nyi aduya keña yεε ampañ.

### 3

*Wee keñ de Gbenjyoo Yesu Kristo waa bese kɔñ nε*

<sup>1</sup> Me gyoona kpaakpaa, kei yena me tɔne alate keñ mεε ñmarase ñon. Me ñmarase tona ala keña pou bo na maa mo tɔse ñon nombia ñan

ε wulaa ε gyeη ne na maa do ηon kakyen, na ε ke nyin mo agyuen kpaakpaa lee nombia ηenan man.

<sup>2</sup> Mεε gyae nyi ε ke tōose nombia ηan Wurubuarε akpenkpenγγōora ban be yako see leenan benen keη ne. Na ε ka bese tōose nombia ηan de Gbenγγoo Yesu Kristo ηon o yεε da nyeelεere e ne be tεε daa o kpilala ban de kyaa ε man ne dōo yako nyi yaa yεε ne.

<sup>3</sup> Nombii keη mεε gyae ε ka gyeη nideli yena nyiaa, weeya otoman nyinan pete Yesu ke kōη na, balan baale baa kōη kaa yεε nombia nkarankaran ηan ban gbagba ne gyae. Baa kulu ηon gbεε kamase man lee ε keleedi dōo.

<sup>4</sup> Baa bōose ηon nyiaa, “Ngba o yakowō see nyi waa bese kōη, o kyaa alen? Woromo yaa waa kōη? De bεε lεε nombia kenā di ya, nawolo nyi de naanao te wulaa yekee kaalan, mona kpene kamase sεε doo ngba mena keη ηe doo leenan kewalan keη Wurubuarε be yεε adido na ateta ne. Kolo na kolo te kyεεkee ta ya.”

<sup>5</sup> Akpaa be yako mena na be karae. Nawolo nyi ba te wolee nyi lee gyanḡba gyanḡba keη na, nombii yakaa te Wurubuarε kolosiwō te adido na ateta bεεwō lee. Wurubuarε yela tεele leewō loη man kōη, te loη kenan dōo te o tεεwō yεε tεele kei.

<sup>6</sup> Ba te wolee mo nyi loη kenan te Wurubuarε yela ke kaa waalewō wōlεε gyanḡbatena ban bōo kyaa deban kenan man ne.

<sup>7</sup> Wurubuarε nombii kenan te o moowō o dana adido na tεele keη dōo ε kyaa ne. Ne doo ηεε daa deban keη Wurubuarε waa mo boalan

wɔlɛɛ ɲa nɛ. Ɗe doo menɛɛ kelii nombia kedi wee dinaa keɲ Wurubuare waa wɔlɛɛ balan ban pou be te nyii ɔ dei ya nɛ.

<sup>8</sup> Me gyoona kpaakpaa, ɛ na wolee nombii dokolon kei ya. Nombii kenan yɛna nyiaa, Wurubuare siaman na wee dokolon yɛɛ ɲgba kulutoonen kakpon (1,000) nɛ, te kulutoonen kakpon (1,000) mɔ yɛɛ ɲgba wee dokolon nɛ.

<sup>9</sup> Baale na gyuen nyi Wurubuare de yako nyi waa yɛɛ kolo na ɔ bɛɛ yɛɛ ke bilen ya. Na mena te doo ya, mɔna ɔ ne nyin konɔɔ bo fa ɲon, nawolo nyi ka te yɛɛ ɔ kegyaebii ke nyi ɛ man ɲolo waa yen leki ya. Ɔ ne gyae bo nyi walan kamase waa kyɛɛkee wa agyuen lee ɔ gbɛɛnen kumɛɛ man na waa kɔɲ ɔ gyan.

<sup>10</sup> Wee keɲ de Gbengyoo Yesu waa kɔɲ nɛ, waa kaa futaa daa bo ɲgba mena keɲ ɲmɛlate ne kɔɲ nɛ. Mena wee kenan na adido gyae ka mo yeesa ɲaalaa. Boalan gyae ke kpa kpene kamase keɲ doo adido na ateta nɛ pou dugudugudugu.

<sup>11-12</sup> Nyi akpaa mena te abɔɔ pou gyae ke wɔlɛɛ na, kenan na sena te kaboena nyi ɛ dinɔɔ dɛɛ yɛɛ? Ɛ ke kyaa ɛ ne daa Wurubuare wee kei te ɛ sia be yɛɛ nyi ke dɛɛ kɔɲ bilen nɛ, kaboena nyi yaa kyaa Wurubuare kegyaebii man, keɲ dukum kamase be doo ɛ man ya. Mena wee kenan na boalan gyae ke wɔlɛɛ adido pou te boalan kenan ogyefelin keɲ gyae ke yalakee kpene kamase keɲ doo adido botɔɔ nɛ.

<sup>13</sup> Mɔna daa dɔɔ de kyaa dɛɛ daa adido wɔle, na tɛɛle wɔle keɲ Wurubuare be yako see nyi

waa yee ne. Botoo te balan ban pou be gbenehen tenee ne baa kyaa.

<sup>14</sup> Mena doo me gyoona kpaakpaa deban ken e sia gyakaa mena aboo kema pou doo ne, e yase e sia na e ke yee aboo kpaakpaa nan gyae ke yela e ke tale kaa sen Wurubuae siaman, ken nyi ayimee yaa nombiikum daale be doo e wose man ya, na emee na Wurubuae nsana ke yee gyon.

<sup>15</sup> E toose nyi de Gbengyoo Wurubuae konoo ken o be nyim ne, ke yee kpene ken ne fa deniwalan gbese na waa nyin nyin nyeekelee pena o wee ken kelii. Mena nombia nenan ke, te de doo gyaagyi Pool mo moo nyansa ken Wurubuae be fa e ne nmarase o tona pou man yelee non.

<sup>16</sup> Mena ke te o nmarasewo yako mena nombia kema o tona pou man. O nombia naale doo o tona nenan man ken ne man kenyii dana ban. Balan baale ban boo gyen nombia ya te boo senese keleedi ken man kenken ya ne, ne tulii o nombia nenan bo. Mena ke mo te bee tulii Wurubuae nombia anmarasen akan nan mo. Bee yee mena ne, na Wurubuae kefaala yaa beee gyae baa fa ba wose ne.

<sup>17</sup> Me gyoona kpaakpaa, e wulaa e gyen mena nombia kema. Mena doo e doo e wose doo nideli, na balan ban boo ne di Wurubuae nombia nan doo ya ne, be nyin mo ba akereee nombia nan wonnee non lee e dasenae kpaakpaate ken man ya.

<sup>18</sup> Mona e yela de Gbengyoo Yesu Kristo non o yee da nyeeleere e ne, ka mo o beree boele non

na waa yela ε ka gyeη e nideli. Non te  
gyoorobiiri kaboena gyεη kei na weeya pou  
kekpaakekpa. Amen.

**WURUBURE NOMBIA KPAAKPAA  
NŌŌKEBAKESEE WŌLE**  
**The New Testament in the Delo language of Ghana:**  
**WURUBURE NOMBIA KPAAKPAA NŌŌKEBAKESEE  
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

---

PDF generated using Haiola and XeLaTeX on 11 Jun 2026 from source  
files dated 17 May 2025  
80e9f745-c10c-5e3f-94bb-9d65aa1a1b11